

Broj: 02-_____-1/26

Datum: 11.09.2026.godine.

Na osnovu člana 20.a tačka 2.Zakona o radu (Službene novine F BiH broj: 26/16 , 89/18 i 23/20), člana 4. Uredbe o postupku prijema u radni odnos u Javnom sektoru u Tuzlanskom kantonu („Sl.novine Tuzlanskog kantona“, br. 4/19,4/20,11/20 i 5/21) člana 5. Pravilnika o radu JZU Dom zdravlja „Dr.Esad Alibašić“ Kalesija, odluke o potrebi prijema u radni odnos, v.d. direktor JZU Dom zdravlja „Dr.Esad Alibašić“ Kalesija objavljuje:

JAVNI OGLAS

za prijem u radni odnos

Naziv radnog mjesta za koje se provodi procedura prijema u radni odnos:

I

Javna zdravstvena ustanova Dom zdravlja „Dr.Esad Alibašić“ Kalesija, sa sjedištem u Kalesiji, ulica Senada Požegića bb (u daljem tekstu. Dom zdravlja), vrši prijem u radni odnos ukupno 7 (sedam) radnika.

II

Prijem u radni odnos 7 (sedam) radnika vrši se na sledeća radna mesta:

1. Doktor medicine – 6 (šest) izvršilaca.
2. Psiholog – 1 (jedan) izvršilac.

Opći i posebni uslovi za prijem u radni odnos za radno mesto:

III

Kandidati koji se prijavljuju na javni oglas trebaju ispunjavati slijedeće opće uslove:

- da su državljani Bosne i Hercegovine,
- da su zdravstveno sposobni za obavljanje poslova za koje se prijavljuju
- da imaju najmanje 18 godina života,

Kandidati koji se prijavljuju na Javni oglas na radno mjesto pod rednim brojem

1. doktor medicine trebaju ispunjavati slijedeće posebne uslove:

- Da imaju završeno visoko obrazovanje
- Da imaju položen stručni ispit
- Da posjeduju važeću licencu

Odnosno pod rednim brojem:

2. Psiholog trebaju ispunjavati slijedeće posebne uslove:

- Da imaju završeno visoko obrazovanje

Ispunjenost općih i posebnih uslova Javnog oglasa računa se danom predaje prijave na Javni oglas.

Dokumenti koji se dostavljaju kao dokaz o ispunjenju općih i posebnih uslova:

IV

Za opće uslove:

Identično za sva radna mjesta

Uvjerjenja o državljanstvu (Kandidati su dužni dostaviti ovjerenu kopiju važećeg uvjerenja o državljanstvu, kojim se dokazuju da je kandidat državljanin Bosne i Hercegovine, te da je starija od 18 godina.Pod važećim uvjerenjem o državljanstvu podrazumijeva se uvjerenje koje nije starije od šest mjeseci, pri čemu se navedeni rok računa od dana izdavanja uvjerenja od nadležnog organa do dana predaje prijave na JAVNI OGLAS.)

- Izvod iz matične knjige rođenih

- Ljekarsko uvjerenje za rad na istim ili sličnim poslovima

Za posebne uslove:

1. Doktor medicine

- Diplome ili Uvjerenja o završenom obrazovanju
- Uvjerenje o položenom stručnom ispitu
- Važeća licenca koju je izdala komora

2. Psiholog

- Ovjerenjena kopija diplome ili uvjerenja o završenom obrazovanju VSS ili visoko obrazovanje bolonjskog sistema studiranja 240 ECTS, zvanje psiholog

Kratak opis poslova radnog mjesta:

V

Radno mjesto – Doktor medicine

Identifikuje faktore koji mogu ugroziti zdravlje; razumijeva pacijenta, njegovo znanje i stavove, pokazuje empatiju; vrši ljekarske preglede kojim se utvrđuje postojanje ili nepostojanje tjelesnih, odnosno psihičkih bolesti, oštećenja ili anomalija te vrši procjenu takvih stanja pomoću medicinskih dijagnostičkih instrumenata, postupaka i sredstava; određuje vrstu i način liječenja, prati tok liječenja; utvrđuje potrebu i upućuje na dijagnostička i funkcionalna ispitivanja; radi na sprečavanju bolesti, zdravstvenom odgoju; propisuje lijekove i medicinska sredstva u skladu sa propisima; izdaje liječnička uvjerenja, svjedodžbe, potvrde i mišljenja, izvode iz medicinske dokumentacije; utvrđuje privremenu spriječenost za rad; vrši obradu za IK; upućuje na ljekarske komisije; upućuje na preglede, bolničko liječenje i rehabilitaciju; pruža usluge preventive kao što su ciljani pregledi, sistematski pregledi školske djece i odraslih, obavlja zdravstveno vaspitni rad; pruža usluge liječenja i intervencije; evidentira i prijavljuje zarazne i hronične nezarazne bolesti; vrši incizije abscesa, panaricija ili karbunkula, obradu rane ili opekotine, primarnu obradu površinske rane sa ili bez šivanja; skida šavove; vrši primarno zbrinjavanje povreda ekstremiteta sa transportnom imobilizacijom; stavlja ili mijenja urinarni kateter bolesnika u ordinaciji ili stanu pacijenta; vrši reanimaciju; pruža hitnu medicinsku pomoć; daje stručnu pomoć pri porodu; vadi strano tijelo iz kože i podkožnog tkiva, iz oka, uha ili nosa; provodi ultrazvučnu dijagnostiku u skladu sa završenom edukacijom; vrši kućne posjete; vrši edukaciju zdravstvenih radnika, pripravnika i volontera; vodi propisanu medicinsku dokumentaciju i evidenciju; čuva profesionalnu tajnu i etički kodeks struke, poštuje prava pacijenata; vrši poslove iz oblasti standarda sigurnosti i kvaliteta; u skladu sa stepenom stručne spremlje i zvanjem obavlja i druge stručne poslove iz djelatnosti organizacione jedinice, po potrebi organizacije Doma zdravlja i po nalogu neposrednog rukovodioca; obavlja poslove određene standardima i normativima zdravstvene zaštite i akreditacijskim standardima; obavezan je da se upozna i da provodi važeća uputstva, naredbe, propise, akta za što je i odgovoran.

Radno mjesto – Psiholog

Vrši psihološku procjenu, psihološke tretmane, psihološku rehabilitaciju, edukaciju i psihoedukaciju, prevenciju i istraživanje. Područje psihološke procjene: provodi psihološke intervju, primjena i interpretacija testova inteligencije, primjena i interpretacija tehnika za procjenu drugih kognitivnih funkcija, primjena i interpretacija upitnika ličnosti, neuropsihologijska procjena, primjena i interpretacija projekivnih tehnika. Područje psihološkog tretmana: psihološko savjetovanje, krizne intervencije, psihoterapija, tretman sa osobama sa invaliditetom, psihološki tretman djece i roditelja, psihopatološki poremećaji, zdravstvene preporuke i savjeti. Područje rehabilitacije kognitivnih funkcija i ponašanja: vježbanje vještine učenja, kognitivnih funkcija, izvršnih funkcija, kontrola ponašanja, vježbanje roditeljskih vještina. Pomaže u sticanju znanja, vještina, motiva i stavova potrebnih za izvršenje sadašnjih i budućih uloga u društvu; vrši psihosocijalnu rehabilitaciju uključujući i forenzičke pacijente koji su upućeni od strane suda kao i forenzičke pacijente nakon hospitalnog tretmana u postupku uključivanja u zajednicu. Područje edukacije: psihoedukacija, edukacija s ciljem unapređenja, očuvanja, zdravlja, edukacija roditelja i

zdravstvenih radnika. Područje psihološke prevencije: primjena psihologijskih znanja u očuvanja zdravlja, prevencija bolesti i nemoći, poticanje zdravih i sprečavanje nezdravih ponašanja. Promoviše zaštitu mentalnog zdravlja pojedinca, porodice, grupe i zajednice; Učestvuje u ocjeni radne sposobnosti za obavljanje svih vrsta poslova (ljekarska uvjerenja za posao obična ili pod posebnim uslovima), ocjena sposobnosti za upravljanje motornim vozilima, ocjena zdravstvene sposobnosti za nabavku, držanje i nošenje oružja i municije. Vodi propisanu medicinsku dokumentaciju i evidenciju; čuva profesionalnu tajnu i etički kodeks struke, poštuje prava pacijenata; vrši poslove iz oblasti standarda sigurnosti i kvaliteta; u skladu sa stepenom stručne spremlje i zvanjem obavlja i druge stručne poslove iz djelatnosti organizacione jedinice, po potrebi organizacije Doma zdravlja i po nalogu neposrednog rukovodioca; obavlja poslove određene standardima i normativima zdravstvene zaštite i akreditacijskim standardima; obavezan je da se upozna i da provodi važeća uputstva, naredbe, propise, akta za što je i odgovoran.

Zasnivanje radnog odnosa:

VI

Radni odnos na radno mjesto doktor medicine zasniva se na određeno vrijeme 1 (jedna) godina dana.

Radni odnos na radno mjesto psiholog zasniva se na neodređeno vrijeme.

Adresa na koju se dostavlja PRIJAVNI OBRAZAC i dokazi, kao i uputa gdje se prijavni obrazac može preuzeti:

VII

Zainteresovani kandidati za oglašena radna mjesta, svoje prijave sa potrebnom dokumentacijom dostavljaju na adresu: JZU Dom zdravlja „Dr.Esad Alibašić“ Kalesija, ul. Senada Požegića b.b. 75 260, Kalesija, u zatvorenoj koverti, sa naznakom: „ Prijava na javni oglas za prijem u radni odnos na radno mjesto:

_____ – „NE otvaraj“. Prijava treba da je uredna, potpuna i blagovremena.

PRIJAVNI OBRAZAC može se preuzeti na web stranici JZU Dom zdravlja „Dr.Esad Alibašić“, Kalesija:

www.dzkalesija.ba u djelu Dokumenti odnosno Konkursi.

Rok za podnošenje prijava na javni oglas:

VIII

Rok za podnošenje prijava je 8 (osam) dana od dana poslednjeg objavljivanja. Javni oglas se objavljuje u dnevnom listu Oslobođenje, na web stranici JZU Dom zdravlja „Dr.Esad Alibašić“ Kalesija www.dzkalesija.ba i kod Zavoda za Zapošljavanje.

Neuredne, nepotpune i neblagovremene prijave, komisija će odbaciti zaključkom uz navođenje razloga o istom, uz mogućnost uvida u dostavljenu dokumentaciju u roku od 3 dana od dana prijema zaključka.

Probni rad i trajanje probnog rada:

IX

Za oglašena radna mjesta, poslodavac JZU Dom zdravlja „Dr. Esad Alibašić“ Kalesija ne predviđa probni rad.

Napomene u vezi ljekarskog uvjerenja:

X

Kandidati koji budu odabrani, za prijem u radni odnos na oglašeno radno mjesto, obavezuje se nakon prijema odluke o izboru, najkasnije u roku od 8 (osam) dana, poslodavcu dostaviti ljekarsko uvjerenje.

Naznaka o pravu prioriteta po posebnim propisima:

XI

Kandidati koji ostvaruju pravo na prioritet pri zapošljavanju u skladu sa Zakonom o pravima branilaca i članova njihovih porodica („Službene novine Federacije BiH“, broj: 33/04, 56/05, 70/07, 9/10 i 90/17) i Zakonom o dopunskim pravima branilaca i članova njihovih porodica („Službene novine Tuzlanskog kantona“, broj: 10/2020 i prečišćeni tekst 14/2022 i 9/2023), isti mogu ostvariti samo ako uz prijavu dostave i dokaz da se nalaze na evidenciji Službe za zapošljavanje kao nezaposlene osobe (ne starije od mjesec dana od dana raspisivanja Javnog oglasa), potvrdu nadležnog organa o priznatom statusu branioca, odnosno člana porodice branioca, te izjavu da im radni odnos, zasnovan po osnovu ranije ostvarenog prioriteta pri zapošljavanju, nije prestao njihovom krivicom ili da po prestanku radnog odnosa nisu ostvarili pravo na otpremninu, odnosno da nisu korisnici prava na porodičnu penziju. Kandidati koji po nekom drugom posebnom zakonu imaju prioritet u zapošljavanju, uz prijavu trebaju dostaviti i odgovarajuću dokumentaciju kojom se to dokazuje, te se pozvati na poseban zakon po kojem imaju prednost.

Uvjerjenje o nevođenju krivičnog postupka:

XII

Napomena:

Kandidati koju budu odabrani, za prijem u radni odnos na oglašeno radno mjesto, obavezuju se nakon prijema odluke o izboru, najkasnije u roku od 8 (osam) dana, poslodavcu dostaviti uvjerenje o nevođenju krivičnog postupka.

Za JZU Dom zdravlja „Dr.Esad Alibašić“ Kalesija

v.d. Direktor Meliha Kurtić , Specijalista ginekologije i opstetricije